



**TONORAN KAMENOMBAN MINGGU PASKAH V  
GEREJA TORAJA KOMBONGAN SILO GE'TENGAN  
ALLO MINGGU, 03 MEI 2026**

(Unturu' Tonoran Kamenomban 2, Stola Mariri)  
**(LA'KA' SANGKALEBU TALLANG LAKO PUANG)**  
"Melekat Seutuhnya Pada Tuhan"



**Singkatan :**

*T = To Ussalurundun Kadanna Puang Matua / TM = To Ma'kamaya (Pelayan Firman), TU = To Umpatengka Tonoran Kamenomban (Pemandu Liturgi) K = Kombongan (Jemaat), dan M = Mintu'na (Semua).*

**SIPULUNG MENOMBA**

**1. Ma'pasakka'**

**TU :** Shalom, Siulu' sola nasang tu dipakaboro' lan sanganNa Kristus. Allo totemo, Allo dipamadatu lako kita, lan attu ia te na tambaiki Puang Matua rampo untukku menomba la umpudi sia umpakala'bi sanganNa tu Puang Matua matontongan. Umpenggarontaoi' Pa'nannungan **La'ka' Sangkalebu Tallang Lako Puang** untuntunki' sola nasang la unnannunganni kumua ia tu katuoanta tontong la ta lolangan sia ta tiro maleso sia battaki' ke tontongki' mengkaola lako Puang. Salianan Dio mai Puang, kita torro toline sangtinti ki' to garonto' kayu marangke tang membuah, apa ke tontongki' lan kaleNa, Nang la tuoki' ullolongan katuoanta belanna mamaseNa lempan. Nang Puangmo tu untambaiki', tae' kumua la ma'patongan mannaki', apa tontong dukaki' ussedan rannunta lako Puang....ia mo Puang matontongan.

**2. Tianten**

**(BENDAN)**

**K : Menani "Sirampun Mairi' "** / (Berhimpun Semua) **(NK 15 : 1 & 3)**

Sirampun mairi' sae lako Puang, umpudi tu Puang sumpu mamase, Napa'demo angga kamatakuran, nasonda rongko' kasalamaran.

Tontongko marea sia mangando da' nataloiko tu patua' ba'tang  
Lan lino te misa' dipopatalo: "Kapatongan lako Puang ta".

**3. Samara Bisara**

**TM :** late kamenombanta dadi lan sanganNa Ambe', Anak, na Penaa Masallo.

**K:** Amin.

**4. Passalama'**

**TM :** Narampoimorokomi kamaturu-turuan, pa'passakke sia kamarampasan dio mai Puang Matua Ambe'ta sia Puang Yesu Kristus, na kasiturusanNa Penaa Masallo' urrondongkomi.

**K :** Sia lu lako duka kalemi.

**5. Baenan Pa'pudian**

**(MA'DOKKO)**

**TU + K** Umbasa Pa'pudian **31 : 1 - 5, 15 - 16** (Dibasa Sisonda-sonda To Umpatengka Tonoran Kamenomban **(TU)** Na Kombongan **(K)**)

**TU :** **PA'PAKATANA LAN KAMAPARRISAN** Lu lakona pangala sengo, Pa'pudianna Daud. **O PUANG, mati' kunii mentirerung;** K: da maro' angku kasirisan! Rampananna' tete dio kamaloloamMi. **TU : Tanannina' talinga, sia rampananna' madomi'**, K: sangapaui angku pobuntu batu pentirerungKomi,

**TU: Belanna Kamumo buntu batungku sia tambakukungku,** K: iamoto rendenna' sia solanna' tete dio sangamMi. **TU : La Midu'dukna' lan mai porro' natananan-bunianna' tau,** K: belanna Kamumo sanderan matoto'ku. **TU : Apa mati' Kalemi kunii sande', o PUANG!** K: kukua: Kamumo tu Kapenombangu. **TU : Iatu toto'ku lan lisu pala'Mi;** K : rampananna' dio mai lisu pala'na mintu' ualingku sia dio mai mintu' to unnula' sumpuna'. **MINTU : AMIN**

**Mintu Menani, "PUANG Kupa'passarei" (Pa'pudian 25 : 1)**

PUANG kupa'passarei kamu kuparannuan da' Mitangga'u ualingku Umpalao siri'ku, To untayan Komi Puang tae' na lakasirisan Pa iari masiri' bang tu to kelok penaanna.

**6. Sangpulo Sukaran AlukNa Puang Matua**

**(BENDAN)**

**TM :** Umbasa Katassuran 20 : 1 - 17

**M : Menani "Sura'madatunna Puang" / (Kitab Suci Hartaku) (NK 51 : 1 - 2)**

1. Sura' Madatun Na Puang tang pada ia keangga'mu Nalesangan tonganna' mindara' sitonganna.
2. Kadan-Na unnanta'na lako Puang Pela'bakku untundan kaboro'na', ke lanna' tang tonganna.

**7. Tuara' Mangaku Dosa na Kareba Kamasokanan**

**(MA'DOKKO)**

**TM :** Dio olona puang, mai komi sola nasang anta mangole tanda tinaran dio olona Puang Matua: ta mangaku kumua nenne' bang tu penaanta menla'ka' lako tu apa tu tang kebattuan, lu lako tu umpotakia' duku', lu lako kasugiran, sia lu lako pangakuanna toline, na tae ki umpogau tu apa situru' pa'poraianna Puang. Tae mo ta mengkilala kumua belanna iatu pa'kamaseanNa Puang Matua, tu umpatuo ki.

Lan attu totemo mai komi ta rampo umbawa penaa rantang-ta mangando lako Puang umpeta'da pa'kamase sundunNa, belanna moi misa' apa tae' bisa tabaa lako Puang iamanna tu kasalanta sia tangga' kadaketa. Inang ta patongan kumua : lan Kristus, iatu pa'kamasean tu mangka Napa'bengan Puang mandu kapuai iya na iatu mintu'na kasalan tu mangka tapogau'.

**K Menani, "Ke Unnannungna' Salaku" / (Bila Kurenung Dosaku) (PKJ 37 : 1 - 2)**

- 1 Keunnannungna' salaku dio olomi Puang, tu nang nenne' kupogau' lan katuoangku. **(Refrein:)**  
**(Refrein:)** MamaseMi Puang unnongannina'. **Diong** manna ongan pani'Mi rapa' penaangku. MamaseMi Puang tu kurannuan. KamakaritutuamMi tontong kutayan.
- 2 Kamadaoanna penaangku tu unna'panna' ilu mata sia mabiri nenne' kupogau'. **(Refrein:)**

**TM :** Lako kamu sola nasang tu tukku lan kapenassanan, dipamanassa sule tu kareba kamasoka nan diomai Puang: "Kusarrinni tu kakadakeammu susi rambu roya sia iatu kasalammu susi salebu'; la suleko lako Kaleku, belanna Akumo tu ullendokangko". **(Yesaya 44 : 22)**

8. **Ussorong Penomba** (MA'DOKKO)  
**TU : Kada Umpatu Penomba** : "Sia apa-apa tu mipalaku tete dio sangangKu,iamo la Kupogaurangkomi, kumua anNa dipakala'bi' tu Ambe' diona Anak". (Yohanes 14 : 13)

**M Menani, "Lendu' Budanna, o Puang"** (NK 393 : 1 - 3)

1 Lendu' budanna, o Puang tu rongko' Mibengan, Ondongpi tu kaboro'Mi, katuoan sae lako. (Refrein:)

(Refrein:) Kur-re sumanga', Puangku diona kasalamaranku!

Mangkamo' Mikamasean kamarendengan sae lako.

2 Rapungku sia solaku Mibengan dukana';

na ia-tu ma'iringanna: dadimo' anakMi. (Refrein:)

3 Tang ka'tu pa'kaboro'Mi lan mintu'na allo: nang la kupudi SangamMi tontong sae lakona. (Refrein:)

**MG : Passambayang Penomba**

**M : Menani "PUANG 'NGKOMBONG SANDA MAIRI' "** (NK 289 : 8)

8. Pemala' tu kisorongan bu'tu lu dio mai limamMi, Mitarimanna iamo Mibengkan Puang.

**USSEARAN KADA PUANG**

9. **Pangimbo Umbasa Sura' Madatu**

10. **Umbasa Sura' Madatu**

**Lector 1** : Penggauranna Rasulu' 7 : 55 - 60 (Garonto'na Pa'basan)

**Lector 2** : 1 Petrus 2 : 2 - 10 (bunga'na sura'na rasulu' Petrus 2 : 2 - 10)

**Mintu** : Umpenian "Haleluya" (Nanian Kombokan. 473b)

J1jj j 1 | 3 3 0 j3j 3 | 5 5 0 j5j 5| z6x x.x x5x c4 |  
3 . . +

Ha-le - lu - ya, ha-le - lu-ya, ha-le - lu - ya!

**TM : Umbasa Kareba Kaparannuan Natonoranni**

Yohanes 14 : 1 - 14

(BENDAN)

**Mintu** : Pebalina Kombokan "Kurre Sumanga' Puang" (NJNE. 78)

11. **Ma'ulelean / Ullesang Kada Puang**

(MA'DOKKO)

12. **Rapa' Ma'nannungan**

**TIMANG PAKKANNA KOMBONGAN**

13. **Kareba Kombokan**

14. **Pangimbo Samalele**

15. **Passambayang O Ambe'ki Dao Suruga**

**PANGRAMPAN NA PASSAKKE**

16. **Peturona Katuoan Ba'ru**

(BENDAN)

**TM** : Perangimi te peturona katuoan ba'ru : "susi pia'-pia' mane dadi, la susi dukakomi to ungdaduangi bumbungan massang, dikua anna ia Mipolobo' landa lako kasalamaran (1 petrus 2 : 2) (bunga'na sura'na rasulu' Petrus 2 : 2).

17. **Penanian Kombokan: "LA MALENA' UNTURU' PUANG"** (NK 370 : 1)

1. La malena' unturu' Puang Pela'bakku diong lombok bunga- bunga, to' uai sakka'. Umba- umba mo Naola nang la kuturu'

sae lako tamangku tondok marendeng. .... Refrein:

**Refrein** : 'Nturu', 'nturu', 'nturu' Puang Yesu; tontong bang kurangi sia kuturu'. 'Nturu', 'nturu', 'nturu' Puang Yesu; Umba umbamo Naola kuturu'!

18. **Pangrampan**

**TM** : **Kombokan masallo'-Na Puang** Malemokomi ammu tuo menla'ka' sangkalebu tallang lako Kritus bellana la mo oto'na anggoro' tongan. Lan Penggauranmi, lan tananan dapo'mi, lan kamasusaanmi sia lan kamarampasanmu, na ia tu la lolong lan mai katuoammu iamo tu pa'kamase sia katonganana-Na Puang.

**K** : Inang sadia tongan mo la tuo menla'ka' sangkalebu tallang lako Kristus

19. **Passakke**

**TM** : Na Puang matua mora umpassakekomi, sia umbura' komi lindo masakke na Puang mora umpaarrangikomi lindo masokanNa sia ungdaturinai komi, na Puang mora umpasiria komi kamarampasa totemo sae lakona

**Ba'tu**

**TM** : Anna Puang Matuamora ungdamaseiki' sia umbura'ki' lindo masakke, sia umpaarrangiki' rupanNa.

**K** : Amin

20. **Nanian Kurrean Sumanga' "Reso'komi Lan Yesu"** (NK 356 : 1 - 2)

1. Reso'komi lan Yesu, dadikomi taun-Na, nannungmi tu Kadan-Na, ammi pengkaolai. Reso'komi lan Yesu, sattuanni kuasan-Na. Nang la-mo Oto' tongan, na kita tangke-Na.

2. Kita tu Napotang ke nang la membuaki', ke tontongki' tumanan reso' lan KaleNa. Tareso'mo lan Yesu, pangke'mi sanganNa: lan manna batang KaleNa lempan tu katuoan!

21. **Rapa' Ma'Kurre Sumanga'**

(MA'DOKKO)

\*\*\*Kikua tu to Ma'pana'ta Sola Mintu' umpanundu' OIG  
Kombokan Silo Ge'tengan Umparampo:  
Salama' Allo Minggu, "Puang Matua Umpassakkeki Sola Nasang"\*\*\*